

Mensahe 8

Nahimong Anak sa Dios ang Kaliwat ni David

Basahong Kasulatan: 2 Sam. 7:12a, 14a;
Mat. 22:41-45; Buh. 13:23, 33; Rom. 1:3-4; 8:29; Bug. 22:16

- I. “Pabangonon Ko ang imong kaliwat sunod nimo...mahimo Kong Amahan niya, ug mahimo siyang anak nga lalaki Nako”—2 Sam. 7:12a, 14a:**
 - A. Ang *imong kaliwat* dinhi linetrang nagpasabot ni Salomon, nga anak ni David—1 Hari 5:5; 8:15-20.
 - B. Segun sa Mga Hebreohanon 1:5b, nga nikutlo sa 2 Samuel 7:14a, ang kaliwat ni David sa pagkatinuod mao si Cristo nga panganayng Anak sa Dios, nga dunay pagkadios ug pagka-tawo—Heb. 1:5a, 6.
 - C. Ang *imong kaliwat* sa 2 Samuel 7:12a ug ang *anak nga lalaki Nako* sa versiculo 14a nagpasabot nga ang kaliwat ni David mahimong Anak sa Dios, sa ato pa, mahimong diosnong Anak ang tawhanong kaliwat—Rom. 1:3-4.
 - D. Gipadayon ug kusganong giugmad sa Bag-ong Tugon kining pulong kalabot sa kaliwat ni David nga nahimong Anak sa Dios—Mat. 22:41-45; Bug. 22:16.
- II. Sa Mateo 22:41-45 gipangutana ni Ginoong Jesus ang kinadak-ang pangu-tana sa uniberso: “Unsa may hunahuna ninyo bahin ni Cristo? Kang kinsa man Siyang anak?”—v. 42a:**
 - A. Niingon ang mga Fariseo nga anak ni David si Cristo, ug gipangutana sila sa Ginoo nganong ginganlan man ni David si Cristo og Ginoo nga anak man niya si Cristo—vv. 43-45.
 - B. Maila nato si Cristo diha ra sa atong espiritu pinaagi sa pagpadayag sa Dios—v. 43; Efe. 3:5.
 - C. Dios si Cristo; sa Iyang pagkadios Ginoo Siya ni David—Mat. 22:43.
 - D. Tawo sab si Cristo; sa Iyang pagka-tawo anak Siya ni David—vv. 42, 45.
- III. Niingon si Ginoong Jesus sa Bugna 22:16, “Ako ang Gamot ug ang Kaliwat ni David”:**
 - A. Sa pagkadios ni Cristo, Siya ang Gamot, ang tinubdan, ni David; sa Iyang pagka-tawo, Siya ang Kaliwat, ang bunga, ni David.
 - B. Si Cristo ang Ginoo nga Gamot ni David, ug Siya sab ang anak, ang saha, ni David nga Kaliwat ni David; maingon nga *ang Kaliwat ni David* nagpasabot nga tawo ang Ginoo ug gikan Siya ni David, busa nagpasabot sab *ang Gamot ni David* nga Dios Siya ug gikan Niya si David.
 - C. Sa Bugna 22:16 giila ni Cristo mismo nga tawo Siya ug Dios sab, nga duna Siyay tawhanon ug diosnong kinaiya.
- IV. Niingon si Pablo sa Mga Buhat 13 nga gikan sa kaliwat ni David “segun sa saad, gidad-an sa Dios ang Israel og Manluluwas, nga si Jesus” (v. 23), ug nga “hingpit nang gituman sa Dios kining saara...sa pagbanhaw kang Jesus, ingon sab sa nasulat sa ikaduhang Salmo, ‘Ikaw ang Akong Anak; gipanganak Ka Nako karong adlaw’” (v. 33):**
 - A. Makita nato sa mga versiculo 32 ug 33 nga gisaad ngadto sa mga amahan si Cristo nga Panganayng Anak sa Dios, ug gituman sa Dios kining saara sa pagbanhaw Niya ni Jesus.
 - B. Pagkahimugso sa tawo nga si Jesus ang pagkabanhaw:

UNA UG IKADUHANG SAMUEL

Mensahe 8 (sumpay)

1. Gipanganak Siya sa Dios sa Iyang pagkabanhaw aron mahimong panganayng Anak sa Dios diha sa daghang magsoon—Rom. 8:29.
 2. Bugtong Anak Siya sa Dios sukad sa eternidad—Juan 18; 3:16.
 3. Human magpakatawo, pinaagi sa pagkabanhaw gipanganak Siya sa Dios diha sa Iyang pagka-tawo aron mahimong panganayng Anak sa Dios—Heb. 1:6.
- C. Nakita ni Pablo ang pagkabanhaw sa Ginoo sa Salmo 2:7: “Ikaw ang Akong Anak; / Gianak Ka Nako karong adlawa”:
1. Giaplikar ni Pablo ang pulong *karong adlawa* sa adlaw sa pagkabanhaw sa Ginoo.
 2. Nagpasabot kini nga ang pagkabanhaw ni Cristo pagkahimugso Niya isip panganayng Anak sa Dios.
 3. Gipanganak si Jesus, nga Anak sa Tawo, aron mahimong Anak sa Dios pinaagi sa pagbanhaw Kaniya gikan sa mga minatay; busa, ang pagbanhaw sa Dios ni Jesus gikan sa mga minatay pagpanganak diay Niya Kaniya aron mahimong panganayng Anak Niya—Buh. 13:33.
- D. Pinaagi sa pagpakatawo gisul-ob sa bugtong Anak sa Dios ang pagka-tawo ug nahimong Dios-tawo (Juan 1:14, 18; Luc. 1:35); unya sa pagkabanhaw gipanganak sa Dios kining Dios-tawo aron mahimong Panganay Niya (Buh. 13:33; Heb. 1:6; Rom. 8:29):
1. Sa wala pa ang pagpakatawo walay tawhanong kinaiya ang bugtong Anak sa Dios; diosnong kinaiya ray naa Niya.
 2. Sa pagkabanhaw dunay tawhanong kinaiya ug diosnong kinaiya sab ang panganayng Anak sa Dios.
- E. Pinaagi sa pagkabanhaw ni Cristo gipanganak Siya aron mahimong panganayng Anak, ug sa samang panahon gipanganak ang tanang magtutuo Niya aron mahimong daghang anak sa Dios—1 Ped. 1:3; Heb. 2:10:
1. Diha ning daghang anak, ang Panganay ray bugtong Anak sa Dios—Juan 1:18; 1 Juan 4:9.
 2. Kining bugtong Anak sa Dios, diha sa nabanhawng pagka-tawo Niya, mao sab ang panganayng Anak sa Dios—Rom. 8:29.
 3. Dunay pagkadios ug pagka-tawo ang Panganayng Anak, ug kita, nga mga magtutuo Niya ingon nga daghang anak sa Dios, dunay tawhanon ug diosnong kinaiya sab—2 Ped. 1:4.
- V. Kinahanglan makaila ta ni Cristo sa pagkabanhaw Niya nga gipaila nga Anak sa Dios diha sa gahom uban sa tawhanong kinaiya Niya—Rom. 1:3-4:**
- A. Sa wala pa magpakatawo ug mabanhaw si Cristo, Anak sa Dios Siya, ang bugtong Anak—Juan 1:18; 3:16.
 - B. Bisan Anak sa Dios na si Cristo sa wala pa Siya magpakatawo, kinahanglan pa gihapon Siyang ipaila nga Anak sa Dios gikan sa pagkabanhaw tungod kay sa pagpakatawo Niya gisul-ob man Niya ang tawhanong kinaiya, nga walay labot sa pagkadios—1:1, 14; Rom. 8:3:
 1. Sa nagpakatawo na ang Anak sa Dios, natago sa unod ang diosnong kinaiya Niya.
 2. Anak sa Dios na si Cristo sa Iyang pagkadios, apan ang bahin Niya nga si Jesus nga dunay tawhanong kinaiya, nga gipanganak ni Maria, dili pa Anak sa Dios—Luc. 1:31-32, 35.
 3. Pinaagi sa pagkabanhaw ni Cristo gibalaan ug gipausbaw Niya ang Iyang tawhanong kinaiya, ang Iyang pagka-tawo, ug gikan sa pagkabanhaw gipaila

Mensahe 8 (sumpay)

- Siya nga Anak sa Dios nga dunay tawhanong kinaiya; ning kahulogana gipanganak Siya nga Anak sa Dios sa Iyang pagkabanhaw—Rom. 1:3-4; Buh. 13:33; Heb. 1:5.
4. Kining pagpaila sa Anak sa Dios “diha [man] sa gahom,” sa gahom sa pagkabanhaw ni Cristo, nga ang realidad mao ang Espiritu—Rom. 1:4; Fil. 3:10; Efe. 1:19-20.
- C. Pinaagi sa pagpaila diha sa pagkabanhaw si Cristo nga Anak na sa Dios sa wala pa Siya magpakatawo nahimong Anak sa Dios sa bag-ong paagi—Rom. 1:4:
1. Sa wala pa Siya magpakatawo Anak sa Dios Siya nga duna ray pagkadios; pinaagi sa Iyang pagkabanhaw gipaila Siya nga Anak sa Dios nga dunay pagkadios ug pagka-tawo—v. 4.
 2. Kon wala pa isul-ob ni Cristo ang kinaiya sa tawo, dili na unta Siya ipaila pa nga Anak sa Dios, kay sa Iyang pagkadios Anak sa Dios na man Siya, bisan sukad sa eternidad—Juan 1:18; 17:5.
 3. Kay gisul-ob man Niya ang pagka-tawo pinaagi sa pagpakatawo, gipaila Siya nga Anak sa Dios nga dunay pagka-tawo diha sa pagkabanhaw—1:14; Rom. 8:3; 1:3-4; Heb. 2:14:
 - a. Isip Anak sa Dios nga gipaila, duha ang kinaiya ni Cristo, ang pagkadios ug pagka-tawo; dili natural ang pagka-tawong naa Niya karon kondili pagka-tawong gipausbaw diha sa pagkabanhaw—Rom. 1:4.
 - b. Bisan ang tawhanong kinaiya ni Cristo gipaila man nga Anak sa Dios, kay gipaila man Siya nga Anak sa Dios nga dunay pagkadios ug pagka-tawo.
- D. Ang pagpaila kang Cristo nga Anak sa Dios nga dunay pagka-tawo “sumala [man] sa Espiritu sa pagkabalaan”—v. 4:
1. Ang Espiritu sa pagkabalaan mao ang pagkamao sa kinabuhi sulod ni Ginoong Jesus; sa nagkinabuhi Siya dinhi sa yuta diha sa unod, naa sa sulod Niya kining pagkamaoha—Mat. 1:18, 20; Luc. 1:35.
 2. Sa nabanhaw na si Ginoong Jesus gikan sa mga minatay, gipaila Siya nga Anak sa Dios diha sa gahom pinaagi sa pagkabanhaw sumala sa Espiritu sa pagkabalaan nga naa Niya—Rom. 1:4.
 3. Anak Siya sa Dios karon sa paagi nga labaw pa kakahibulongan kaysa kaniadto, kay karon duna man Siyay diosnong kinaiya ug sa nabanhaw, natransporma, gipausbaw, gihimaya, ug gipaila nga tawhanong kinaiya—6:4; Luc. 24:26; Juan 17:5; Buh. 3:13.
- E. Idugtong gyod nato ang Roma 1:3-4 ug 8:29:
1. Pinaagi sa pagpakatawo, pagkalansang sa krus, ug pagkabanhaw ni Cristo, Siya, nga Anak sa Dios, nahimong panganayng Anak, ug ang daghang anak, nga mao ang mga igsoon ni Cristo, gipasama sa Iyang dagway—Heb. 2:10-11; Rom. 8:29.
 2. Sa Roma 1:3-4 si Cristo, nga Anak sa Dios, mao ang sumbanan, samtang sa 8:29 ang daghang magsoon mao ang “daghang hulad” sa sumbanan ug, sa pagkaluwas nila sa kinabuhi, masama sa dagway sa panganayng Anak.
 3. Magdala kini nato sa hisgotanan sa pagkahimong Dios ug nagpasabot nga ang tuyo sa Dios sa pamatigayon Niya paghimo man sa Iyang Kaugaligon nga tawo aron nga, diha ni Cristo, kitang mga magtutuo ni Cristo ug mga anak sa Dios, mahimong Dios sa kinabuhi, kinaiya, ug pagkaumol (apan dili sa ranggo sa pagka-Dios); hilabihan kadako kining pagpasabota, ug sa kapulihay, mahingpit ang Biblia ning butanga—v. 29; 1:3-4; Juan 1:1-13; 1 Juan 3:1; Bug. 21:2, 10-11.